

太阳之路，荣卫不从，疽遂成矣。所喜红肿高活，尚属佳象，起居调摄，尤当自慎。生黄芪三钱，青防风一钱，生草节八分，苦桔梗一钱，陈广皮一钱，仙半夏二钱，大川芎八分，大贝母三钱，炙僵蚕三钱，羌活一钱，小金丹一粒，陈酒化服。”可互参。

155. 发背脑疽

人体外证之属寒者，除流注外，发背脑疽最为重大。唯世传阳和汤一方与仲师当发其痈之最合，若误投寒凉败毒之品，十不活一。所以然者，为血络凝于寒湿，非疔毒流火之属于阳证者比也。附阳和汤方如下：

麻黄三钱(去根节)	炮姜三钱	熟地黄一两
鹿角胶三钱	肉桂一钱	寒重加附子

姜佐景按：友人周慕莲君患脑疽，初起，察其属阴性，法当与阳和汤，顾大便五日未行，疑其有热结，为之踌躇者再。谁知服汤后，次早项背转动便易，大便畅下，乃悟其大便之闭，亦属寒性故也。其外用膏药，为阳和膏。

又有友人周煥根君患腦疽，發于項后偏右，皮色不變而結塊，脈微細，大便亦不行。采鄰居之言，購番瀉葉值銅元十枚服之，大下，而自止，疽反日劇。予仍以陽和湯投之，二日不應。易醫，又投陽和湯加減，二日，又不應。易名醫，投和榮通絡輕劑，不更衣，則無暇問也。如是二日，疽依然，而大便之不行也如故。無已，予乃囑用甘油錠以潤之，因用之不得法，無效。次日詳告以術，乃下燥矢四五顆，隨以溏薄矢液，自是得安寐竟日。醒來知飢索粥，精神大振。便下皆溏者，濕既有去處，疽乃以漸告愈。事后，余乃悟此為先鞭后溏證，原不可攻，其所以有燥矢結于腸中者，必是番瀉葉之流弊，蓋大下亡陰，液去而矢在，故結而致燥也。病家之藥誤，醫者可不留意哉？

曹颖甫曰：阳和汤一方不唯脑疽发背为宜，即膝盖忽然痠疼，为鹤膝风初步，用之亦多效。若华母于去冬今春两次患此，